

# Vågå Historielag: Årsmelding 2017

## Arrangement

Historielaget har hatt arrangement fast den andre onsdagen i månaden. Utanom sommaren har dette vore foredrag / kveldsseto i Jutulheimen. Det var forteljarkveld om reinsjakt med bl.a. avspeling av gamle lydopptak. Ivar Teigum heldt foredrag om prestar i dansketida og Torveig Dahl om kokeboka til „Fru Christine“. Dag Aasheim heldt foredrag om skogforvaltar Simen Wolrath og det vart vist film om Kvieriddaren og Skårvangssola. Kåre Simenstad prata om fyrste traktoren i Vågå og den tekniske utviklinga som kom med at traktoren avløyste hesten. Historielaget arrangerte lansering av Årbok for Gudbrandsdalen der Ola Grøslund bl.a. prata om erotiske motiv i folkekulturen. Johan StormMunch hadde foredrag om ordsamlinga etter biskop Johan Storm Munch, og Bjørg Schultz prata om dyrking og produksjon av lin. Også dette året var det fotokveld med visning av gamle bilder. Fleire av arrangementa har vore i samarbeid med andre lag.

Historielaget har hatt fleire arrangement utanom Jutulheimen også. Bjula Ulsletten var guide på fottur til Holongssetrene. Tur i Nordheradsalmenninga enda på almenningsbruket Flåten der restaurering av alle husa nå er fullført. Vandring i Vågåmo hadde gamle snekkarverkstader og smier som tema, og vi fekk koma inn i Damstuguverkstaden og Enstadverkstaden.

## Jutulheimen

Det er Gudbrandsdalsmusea as som står for drifta av Jutulheimen. Vågå Historielag er aksjeeigar i Gudbrandsdalsmusea as og er aktivt med i planlegging og drøfting av vedlikehald, drift og utstillingar. Gudbrandsdalsmusea har også dette året drive med gjenstandsregistrering. Med støtte frå Kulturminnefondet er det utført skifting av råte svill på Sundstugu samt utskifting av takrenner på baa stuguene.

## Prestgarden

Paktarbustaden har vore bortleigd som bustad medan delar av hovudbygningen er utleidd til husflidslaget. Husflidslaget har stor aktivitet der, og har også hatt opne arrangement. Restaurering av inngangspartiet på hovudbygningen er fullført. Fjøset vart rydda, og både det og låven vart brukt til utstillingar under Vågådågå. Historielaget har vore med i arbeidet kommunen har gjordt med masterplan for Ullinsvin. Historielaget har stifta selskapet Ullinsvin as som skal stå for byggjing og eigarskap av museumsmagasin, sveitsisk norgesvenn har gjeve støtte til dette.

## Prestgardshågein

Hagegruppa i historielaget har fordelt ansvar for stell, lusing, vatning mm. for kvar veke. Også plenklipping samt raking og rydding både i hagen og på tunet er utført på dugnad. Det har vore omvisning av mange grupper denne sommaren, hagegruppa har brukt Studeren i samband med dette. Bokhandel'n kafe har hatt sommarkafe i hovudbygningen og uteområdet i hagen. «Cafe Edvard» har vore oppe i helgene, dei har også arrangert konsertar i tunet.

Hagegruppa fekk tildelt hagekulturprisen 2017 frå Det Norske Hageselskap, utdelinga skjedde i hagen den 17. september.

### **Laget ellers**

Frå årsmøtet 8. mars 2017 har styre vore dette: styreleiar Knut Raastad, nestleiar Dag Aasheim, styremedlemmar Rønnaug Siem Hammer, Even Luseter og Steinar Løkken, varamedlemmar Jonny Brenden og Håkon Ulsand.

Det har i året vore ni styremøter, og varamedlemmane møter på lik line med styremedlemmane. Laget har 420 medlemmar.

God oppslutning om frivillige medlemspengar gjer utgjeving av årsskriftet Jutulen mogleg med utsending til alle medlemmane, i tillegg er heftet utlagt for salg. Historielaget pyntar gravene til Ivar Kleiven, Trond Eklestuen og Jo Gjende. Innsamla gamle bilete blir utlagt på heimesida *vaagaa-historielag.org*. På heimesida er det også ei mappe med gards- og slektshistorie.

Pulløybua er bortleigd som anneks til nabohytta. Nordheradsprosjektet disponerer Flåten. Buene ved Gjendeosen har ved fleire høve vore framvist for turistar. Buene vil kunne lånast ut til historielags-medlemmar.

Styret takkar samarbeidspartar og medlemmar i laget for god hjelp og støtte i året 2017.